



詞空

豪青

館



藏

引

邊君袖石問詞法於陶鳧薌先生得不傳之秘在天雄幕中所作甚多近遊洛州出以相示宮商要眇分判脗合並皆佳妙體物尤色色工絕類樂府補題中語蓋詞以南宋爲正宗北宋諸公猶不免有粗豪處稼軒龍洲後村流派原本東坡居士但別有寄託未可以一例視也金風亭長句云我旣愛姜史君亦厭辛劉願與高賢共勉之戊戌九秋橋李沈濤識於廣平郡齋

空青館詞藁

序

空青館詞彙目錄

卷第一

長短句六十四首

卷第二

長短句六十首

卷第三

長短句五十一首

空青館詞彙

目錄

卷第一

長短句六十四首

卷第二

長短句六十首

卷第三

空青館詞彙目錄

燕京八景詞

木蘭花慢 瓊島春陰

上林韶景麗仙籟曉聚彤雲繞瑤筍千株錦苔潤泥螺黛濃
皴嶙峋數峯孕秀儘籠烟織暝畫難真合殿深懸遠映瓦鴛
青混魚鱗 尋春繡陌無塵緣壁沼過雕輪望嵐翠空濛花
光蘸水柳影隨人經旬雨晴未定想峭寒吹滿鳳城闈祇有
海棠幾樹護將紅雪纒紛

前調 居庸疊翠

空青館詞彙

卷一

望蒼然疊巘朝鋒闕竦千層任北翥西連嚴關鎖鑰直拱神
京新晴碧尖削出似嶽蓮翠蒨勢孤撐秀映銀泉列笏與分
鐵壁開屏 雲扃策杖攀登沙塞紫海門青儘引睇憑虛蜚
狐倒馬無此峻嶒承平漸忘險阻抱雄心誰是棄繻生安得
孟陽健筆摩崖試勒新銘

前調 盧溝曉月

渾河東逝急鼇背竦飛梁正畫角吹殘珠杓半隱曉色蒼
蒼微茫碧空似水掛當頭斜月一梳涼瓊暈澹搖岸影晶輝
皎射波光 嚴裝倦旅攜將歸夢短客途長渡渺渺虹腰泥
痕映雪板跡迷霜郎當馱鈴韻遠祇素娥無語笑人忙茅店

鷄聲歇了遠林紅上朝陽

前調 太液秋風

渺晴漪萬頃空與水共澄鮮乍一夜商聲井梧葉墮秋信遙
傳蜿蜒石鯨橫臥滿波心鱗甲動蒼烟歎雪涼招雁浴鎔銀
靜擁鷗眠 洄沿錦纜低牽疎雨夕晚霞天挹爽籟泠泠絲
飄翠苒粉墜紅蓮年年水嬉肆過看中流簫鼓汎樓船咫尺
影娥近接桂輪清門嬋娟

前調 金臺夕照

荒陂經督亢關樹冷塞雲孤問百尺高臺昭王去後駿骨存
無空餘半規落照映蒼烟喬木兩三株驛埃丹青黯淡寺樓

空青館詞臺

卷一

二

金碧糝糊 踟躕弔古停車尋往迹總蕭疎祇一綫柔乾崩
濤濺雪洶盡雄圖城隅角聲送暝漸黃昏林際欲棲烏隱隱
斷霞魚尾暮沙蕃馬平蕪

前調 薊門烟樹

望黃沙泱泱環雉堞暮烟浮正霞染丹楓霜雕錦榭林麓清
幽誰留薊門故址被苔花埋沒幾經秋莫問慕容銅馬茸茸
綠草平疇 金溝積水交流波色冷葉聲稠賸野店青帘僧
藍白塔招客閒遊凝眸碧雲暮合送斷鴻天末去悠悠祇有
洗妝豔迹春風依舊高樓

前調 西山積雪

恰天花散罷，裘袂冷朔風嚴。指丹鳳城西，危岑疊嶂，齊擢瑤
尖巉巉。玉龍蛻骨訝碧空，高倚劍鋒鉞。匣銀封石齒，鬢髮
粉綴松髯。珠龕脊隱蒼巖，飛瀑凍水晶簾。想澗曲梅開，峯
坳蘚滑，策蹇愁探巡檐。幾番拄笏聳山肩，粟起暮寒添。待掃
瓊英試茗，竹爐雲液，回甘。

前調 玉泉趵突

澄湖瀦裂帛，靈液滿注巖椒。傍石竇奔深烟，霏霧結雪歎雲
歎。周遭練痕，曳白是驪龍爭把領珠拋。聽去聞根，頓靜琅琅
琴筑笙璫。涼颿吹度，林梢斜茗，盃漱詩瓢。伴翠澗松聲幽
溪竹籟，一味清寥。滔滔出山何事，算東華塵土，洗難消。且續
空青館詞彙

卷一

三

滄浪妙詠，濯纓小憩，僧寮

高陽臺

柳髮霜髡，苔衣雨坼，夕陽紅上孤城。風翦雲羅，昨宵偷放新
晴。秋光不管人腸斷，斷腸人翻愛秋清。小銀塘，彫了殘荷，荒
了枯萍。僧樓半角蒼烟織，記香迷稚蝶，絮攪雛鶯。一夜涼
颿陰陰，換作蟲聲。臨流悄向沙鷗說，算蕭騷誰更如卿。悵歸
途，楓葉蘆花，無限飄零。

八聲甘州

背銀鐙，敲折玉搔頭。舊曲記都訛。望娟娟一水芙蓉，老盡秋
滿關河。幾度夜深尋夢，涼意透衾窩。起寫相思句，帕展輕羅。

欲把閒情抹去奈金盞墨澹不敵愁多儘判花問柳歲月
總消磨憑寄語青樓俊侶向何人席上注橫波應否念樊川
小杜絲鬢婆娑

洞仙歌 秋曉

曉天一碧映鷗沙無際捲地西風響叢葦正林楓葉冷籬豆
花疎柴門外亂糝丹黃紫翠 雁奴三五輩結隊衝烟渺渺
銜蘆渡秋水船尾老漁翁半掩蓑針還俚著鷺絲同睡漸隔
渚僧樓澹紅牆有鴉點零星木魚驚起

滿庭芳 詠長平箭頭

蛟脊磨穿狼牙敲折焦銅徑寸離奇土花紅繡腥血冷淒淒

空青館詞彙

卷一

四

想見銛鋒貫札沙場上巧詫由基秋宵黑摩挲舊物忽憶銳
頭兒 當時秦趙壘金戈雨驟鐵馬風馳笑杜郵伏劍烏啄
殘屍欲弔長平坑卒興亡恨此日誰知休拋卻千年戰鬼重
見惹悲啼

西江月 聞歌

霜掣一繩白雁烟埋十里丹楓歌喉隔巷裊秋空拂拂梁塵
飛動 往日詩顛酒惱而今竹嬾絲慵檀槽脆度菊花風寬
盡沈郎帶孔

徵招 接友人札追感舊游有作

吳霜慘透樊川鬢維揚舊游如昨攜手向旗亭戀黃纈一握

音書傳別後惱春夢無端驚覺扇底香消箏邊歌斷鏡中花落
梁燕縱多情銜泥到難認那人簾幕儘力鑄相思聚黃金成錯
朱樓高百尺問誰覓蕨蕤仙鑰更雕籠鸚鵡聲聲把渠儂調謔

唐多令

銀鑰響紅閨文犀鎮翠帷
回頭前事都非記得玉人顛顛
甚扶病起送郎歸
柳帶綠垂垂燕雛相對飛
倚闌干愁容雙眉薄命桃花春
不管禁幾度曉風吹

一翦梅

小小蘭房夜不扃
燈下調笙膝上捱箏歌喉一
弗玉瓏玲徐空青館詞彙
卷一
五
度銀屏冷迸秋星
一別青樓萬恨生
烏帽飄零紅粉玲瓏
舊游回首欠分明
春去無情花落無聲

洞仙歌

芭蕉

東風著力拓仙家寶扇
五尺生綃妙裁翦
愛清陰密鎖黛色濃
抽紅窗小
卍字紗
樞遮暗
含情誰似爾
露壓烟啼歲歲
芳心背人卷無計
避秋宵涼雨聲聲敲
徧了小亭空館儘署
得南洲美人名也
翠袖天寒淚花凝茜

九秋詞

和沈匏廬太守韻

霜葉飛

秋林

明霞半繞疎林隙
空山都是斜照
綠杉蒼榭一株株
早被西

風掃漸幾葉江楓醉了嬌紅不比春花少甚秋色年年算祇
有長安渭水搖落偏早 好去隴首亭皋捲筇背錦攜朋同
事幽討寒鴉對語訴飄零愁滿秦川道任彳亍憑高凝眺暮
煙涼浸參軍帽怕從今減清陰不庇哀蟬夜深吟悄

憶舊游

秋砧

記潭空巽雨堂古留雲曾咒龍歸梵宇西風急看雕甍紺瓦
都帶清暉諸天妙香吹散寒翠徑松迷對塔影亭亭暮煙如
水涼透僧衣 人稀曳芒屨踏半廊殘葉消盡塵機一杵疎
鐘響恁發儂深省偏在招提零落瞿曇真相苔色繡珠眉賸
蟲語空階青熒燈火獨掩扉

空青館詞藁

卷一

六

鎖窗寒

秋煙

絮雨分晴羅雲迷爽碧空微黯一痕飄動知是那家樓館正
衰楊絲絲弄秋暮愁瓦滿霜蕪苑更江楓霞抹洲蘆雪積漠
漠遮徧 橫斷疏林半恁墟里依依不分真面偶然掠破識
是社前歸燕暈斜陽長亭短亭模糊水墨鴉陣遠望天涯暝
色消凝惹起征人怨

聲聲慢

秋砧

苔深畫檻葉墜瑤階碧空皓月剛圓八耳悲涼誰家玉杵驚
寒淒音乍沉還急正霜飛雲母簾前憑擣就流黃成匹錦字
迴環 知否塞垣迢遞仗餘酸空外爲報平安欲寄征袍龍

沙戍客誰憐西風半城愁聽恍經過窈女祠邊聲更遠料瓊
閨生怕夜眠

玉漏遲

秋杪

高城涼月滿樓笳罷奏寺鐘停轉擊戲何人繁響十分悲婉
秋冷銅街似水認隔巷一燈紅遠風刮顛喚醒倦客驚寒
犬可是警夜森嚴有虎旅傳來柳營桃館曙色關門何限
旅愁鄉怨莫誤郎當征鐸總一樣長途聽慣歸夢短蝦蟇六
更敲斷

疎影

秋鏡

秋陰織暝罨畫屏六扇暮色清冷薄炷冰荷纖手移來紅梔

空青館詞彙

卷一

七

閃眩生暈忍涼坐待金蟲結怕簾隙峭風吹恁怨天涯歸信
難憑夜夜守殘孤影小膽空房易怯竟牀擁翠被尙留餘
燼錦帳幽歡羅箔星期夢裏幾回追省蘭膏流賸相思淚便
挑也何曾挑盡漸粉蛾飛散無踪空拔玉釵相等

綺羅香

秋衾

華羽綾織神絲錦膩幅幅製先秋節擣麝濃熏剝喜舊香難
滅記陳宮寶鴨温餘有蜀沼文鴛眠歌幾多時風雨淒清象
牀獨擁到今夕新寒料峭依戀憶否合歡芳會繡池層疊
翠館參橫盼斷宵征人迹儘玉樓凍合頻偎任紅浪翻來慵
揭倚蚊幃夢醒巫峯墜歡誰共說

翠樓吟 秋蟬

翠柳霞明青蕪雨過夕陽黯澹收盡一絲疎欲斷早勾起離
亭新恨商飈潛引想綃翼嘶殘瓊綉啼損林逾靜暗中催動
漢宮秋信 孤影自顧翛然念居高聲遠賞音誰認露華能
幾許恁抱得枯枝偏緊冷冷清韻倩玉軫冰絃譜成幽迴霜
飛冷仙蠹社散漸雕塵髣

月華清 秋蟲

露冷瓊疏煙迷卸砌秋聲直恁淒苦仁咽還啼似把舊愁頻
訴警節序纔譜幽詩助歎息如傳歐賦幽緒甚裊來多在綺
樓朱戶 翠幌疏鐙搖暮想哀怨難禁夜深風雨半榻新涼
空青館詞橐 卷一

八

惆悵夢初回處儘傷心候館離宮記傾耳豆棚瓜圃疑口憶
深閨人起暗尋機杼

一萼紅 落梅

惹魂消一聲聲翠羽啼過段家橋籬角春濃樓心日暖何來
晴雪飄飄想心戀孤山逋客曳縞袂追入碧天遙細蒂零星
難填恨髓已種愁苗 長憶苔柯竹外逞半酣粉靨特恁丰
標笛怨華年波沈瘦影仙雲飛去難招算只賸玉鱗香徑黃
昏月冷浸碎瓊瑤誰更拾他嬌妬皺上冰綃

南鄉子

纔見又分離小立風前淚濺衣記得去年曾握手誰知重唱

陽關一曲詞 強笑捧金卮別後音書到恐遲千里夕陽千
里月相思多在燈昏被冷時

金縷曲

更欲投何處謝東風飄然吹送天涯愁旅京國緇塵空染袂
重裊吟鞭南去把蕩子頭銜新署酒冷香消旗亭夜拍檀槽
誰唱黃河句絃未絕淚如雨 梨花寒食中原路記瓊閨纖
腰偃並手提金縷楊柳樓臺青鞵斜日遠山無數渾不似
那人眉嫵春入琴心聲聲慢只釵盟鏡約成孤負空目斷茂
陵女

風蝶令

空青館詞藁

卷一

九

黯黯雲如墨垂垂雨似繩殘春天氣思曹騰那更薄羅衾展
半牀冰 夢斷高樓笛寒欺小閣燈魚緘香護鶴文綾早爲
蕭郎傳恨到東京

國香慢

春蘭

密葉低叢裊翠羅裙帶嬌嫿輕鬆江空楚魂初返淺笑東風
移傍杏紗櫺側璫窗小暗麝潛通芳心裁一寸何事人前加
倍薦紅 故鄉春正好記瑤莖露孕縹蒂酥融盈盈啼眼良
夜端正窺儂老去逢仙張碩相思苦歸夢惺忪都梁渺何許
絃罷離騷早理烟篴

尾犯

春筍

烟村籬背芻玳尖幾束輕雷扶起芳根不用銜蟬引漸鄰墻
添翠芒鞵蹴折孕曉露清如水憶家山十畝芳腴料應春韭
同味 雅稱厨爨纖指香苞重疊剝碎愛筠衣削玉鬆不粘
脣滑難勝齒燕子年光櫻桃街巷夢魂都脆拉園丁癡咒喃
喃暖風休展鳳尾

鵲踏枝

訪故明周邸官址

岸草汀蘋風簸蕩柳髮千絲黃入誰家巷古礎方花平似掌
落紅如雨深深葬 凝碧池空停畫舫春水生時燕子頻來
往寶瑟銀箏都絕響憲王樂府無人唱

高陽臺

空青館詞藁

卷一

十

桂魄籠烟蒲牢警夜市樓夜火星星倦擁香衾薄寒侵透吳
綾故鄉有夢休輕作算今宵猶是初程鎮無慘曲壓檀槽酒
點銀瓶 年年春色催離別悵鶯邊惹恨雁底傷情怕折垂
楊舊愁都在長亭清明遮莫來朝是徧天涯芳草青青更堪
他飛絮飛花隨路飄零

玲瓏四犯

竹簾

庭院深深訝一翦涼波當戶扶起織恨穿愁巧樣天然丁字
楚夢遠隔黃陵恁湘女淚痕猶漬倚雕欄欲捲還慵香在博
山鑪裏 碧闌干影空於水裊鰕鬚月尖風碎玳釘銀押都
依舊只覺心情不是甚日重看梳頭鉤徧真珠十二聽曲瓊

搖漾聲陡觸鸞釵墜

瑣窗寒

紗窗

冰壘鐫紅網絲界碧紋紗新補篩煙罩月隔斷纖塵來路背
朱櫺嫩涼襲衣柔颺減盡些兒暑愛廊腰花放看時微暈一
層香霧深護消魂處記斂息偷窺凭肩私語驚烏啼徹曙
色催人歸去賸金荷無燄剔殘暗蟲亂打渾似雨想瓊闥敗
罷沈吟同此相思苦

綺羅香

羅帳

蕙葉銷金蓮華蹙繡斗帳偏宜長夏八尺宮羅貼壁冷光新
研延月白霧縠空搖映燈紅水紋低瀉控流蘇烟縷垂垂文
空青館詞藁

卷一

十一

犀銜角玉鉤挂

桃笙斜展睡覺最愛枕函茉莉暗香霏麝

分付柔颺不許吹開微罅悵久隔幽夢行雲盼重訴合歡情
話記當日爇撒芙蓉男錢相對灑

玉漏遲

藤枕

斑珠鬢寸翦方花織就錦紋深淺當暑橫陳温玉臂支初換
永晝北窗臥處有紗帽隱囊相伴涼思滿潔俚綃幕滑依冰
簟舊日妝閣同欹憶虎魄光凝鬱金油染嬌困曹騰低墜
翠鬟一半別後紅蕤空設有誰拭雪肌香汗推又戀清宵夢
回人遠

月華清

螢燈

屏角風柔廊腰露濕一星流過芳徑薄翦蟬紗小立桐陰潛
等覷瑣碎紈扇兜回驚閃爍玉纖籠定無影喜冰紋六幅罩
來幽靚好是香閨夜永挂茉莉梢頭折枝扶襯碧璫玲瓏
誤卻粉蛾飛近窺淺夢燭暗銀牀添涼思月沈金井微燼待
來宵攜照柳昏花暝

齊天樂

蓮蓬

曉涼雨過紅衣卸漣漪綠雲低護鬢褪官黃笠翻羅翠捧出
芳苞無數波心拗取愛鴨背船輕載來吳女入手欹斜覆盂
濃瀉早秋露黃洲記曾蘸影照微彎象鼻珠顆懸乳多子
牽情空房惹恨欲擘又還疑口芳心最苦恁竟體柔絲裊成
空青館詞彙

卷一

十三

干縷尙憶風亭碧筍消嫩暑

長亭怨慢

秋荷

漸狼藉銀塘風露翠蓋欹斜臥波無數澤國寒輕故衣零落
倩誰補曉煙低護遮不了雙棲鷺祇目斷殘陽正三十六陂
秋暮前度記芳醪滿勸折取碧筍消暑闌紅人散悵愁滿
葦汀菱漱最無奈酒醒烏篷儘聽徧半湖涼雨賸香飯新炊
包著雕胡歸去

八聲甘州

清暉

書院面城枕河荷塘十餘畝紅香冶麗

漸稀余以戊戌九秋挈桐鄉勞介甫南樂段筠坡同
來訪之天空沙濶四顧蕭然黃蘆有聲髡柳餘碧因
填此調以酬寂

莫並誌游蹤

渺空蒼望極，悄無人。高樓與雲平。正煙霾斂盡，殘陽倒射，紺瓦朱甍。曲徑霜蕪，暈綠濕葉，慘漁汀。便有江湖思，畫舫低橫。
一自淩波珮解，悵重尋勝，引難賦。紅情任，泉枯石瘦，臺榭鎖幽清。賸愁人，衰楊幾樹，裊長堤，吹老舊秋聲。西風緊，一繩涼雁，瞥過荒城。

齊天樂

碧雲界破殘陽影，敲春數聲疎雨。塘澀冰漸隄，迴草夢人在畫樓。□□垂楊自舞，望千里蘅皋舊愁。來處寶帚塵封，倚闌空索綵桃句。
年華頓成過羽，甚東風薄倖，離恨吹聚。麝帕香盟，鸞釵密約，禁得幾番孤負。星郵路阻，盼不到天涯洞簫空。青館詞藁。
庭戶綠漲烟深，斷魂雙燕語。

卷一

三

疎影 水仙花

湘臯春曉訝，宓妃出浴步下瑤島。鞞窄凌波，靨含烟靄，裳舞罷猶裊。鉛霜密護，官羅蘂總不惹蝶。嗔蜂惱占汀洲，雪互沙昏，依約采珠人到。
環珮空歸，夜月飛瓊，照瘦影幽恨同。抱欲喚冰魂，江路清寒，蹙損亭亭風貌。朱絃十五，聲危咽，忍重譜怨琴淒調。賸翠裙幾褶，娉婷目斷，水空天渺。

暗香 前題

嘉興沈 濤 匏廬

一叢冰萼有清泉，白石靈根堪託。綽約仙姿，縞袂相逢慰離索。回首湘臯，珮冷看瘦影，娟娟如昨。恰好結，磬弟梅兄。

來共歲寒約 商略試評泊算空谷幽蘭比來還錯雪鬢
風惡紙閣重重下簾幕一自王孫去後有誰念國香零落
賸幾幅雙鉤水墨淚痕和卻

玉漏遲

短亭攀稚柳官腰一捻碧絲千縷香絮茸茸都是相思搓就
忍憶鶯邊訴別幾折贈萸苗纖手分攜久薄寒天氣中春時
候底事飄泊江潭對此樹依依繫情偏又顚淚凝珠滴滿
翠尊瓊耐天遠秦樓甚處料靜夜難乾蛾袖催人瘦歸鴉數
聲低咒

聲聲慢

桐鄉勞介甫暨淑配沈芷香女史俱工爲詞余來洛州出所撰桐陰詞相示紅闥雅製亦得時

空青館詞彙

卷一

四

窺一二大都丁當清逸一掃闥齋治習介甫詞引商刻羽尤有碧山玉田之風兩窗獨坐循諷不已爲題此詞介甫常僑居楊州故詞中及之

鸞綃寫韻象管圍香秦臺攜手飛瓊一寸琴心都付銀字雙
聲江南俊游天遠悵竹西歌吹誰聽留滯處只微雲句好畫
徧旗亭難得春燈同翦任籌花門酒慰我飄零清致儵然
賈洲笛譜翻成珊瑚幾回擊碎怕龍吟喚起豪情訂後約坐
桐陰同語舊盟

浪淘沙

題沈巖莊寸草春暉圖

芳草色芊絲綠暈湘烟春暉掩夢北堂前寫到紅心裁一寸
清淚如鉛往事倍淒然霜萎庭萱蓼莪詩廢十多年任爾

卷苑都拔盡此恨難前

高陽臺

帖屋星黃窺窗月縞畫廊十二悒悒闔了銅龍雲譙虬點初
沈柔颺一翦涼於水比秋光先到圍林洗桐梢重露無聲滴
上羅襟 闌干刻徧相思字悵碧璫緘札屢誤佳音冷雨疎
槐空傷節序侵尋哀蟬啼到三更住怕撩人清怨難禁夢紅
閨香減銀奩塵網瑤琴

清平樂

征鴻過去拋下愁無數靜夜水沈香一縷聽盡亂蛩疎雨

舊家庭院紅樓畫簾不捲深秋如此淒涼天氣可曾籠上瓊

空青館詞彙

卷一

五

箒

月華清歌即藁仙醒香主人侍史也曇華猛謝倩影空
而傷之爲

綴此詞

雪魄難圓冰魂易缺名花彫盡風雨碧海青天此恨怎生分
付墮塵劫些少年華翻豔曲幾多愁譜歸去悵彩雲飛散總
無尋處 小像櫻桃一樹儘熏徹沈檀不關淒楚憔悴潘郎
吟斷鬢絲幾縷鴛牒在淚凝江冰麝骨冷翳平黃土題句只
墜歡如夢那堪重訴

望江南

憶津門舊游十五

津門憶最憶是河豚玉盃光寒凝乳汁瑤肪味膩沁牙齦苦

昔嚙同心

津門憶芍藥最關情金縷囊簪香棗鬢玉盤盂插古銅瓶首
夏賣花聲

津門憶織手摘櫻桃黃篋籃兒紅豆滾赤瑛盤子蠟珠拋脣
樣十分嬌

津門憶消夏百梅湯桂麝香浮蕉葉殘冰絲冷滌蔗梢糖銅
盞響丁當

津門憶香玉指繽紛穿个繡球圓似月挂來紗帳爛如銀夜
擁薛靈芸

津門憶茉莉綻芳苞不耐檀郎熏綠茗潛呼小玉裏紅綃暗
空青館詞彙

卷一

七

麝滿裙腰

津門憶新到橘千頭剝殼點鐙紅奪錦帶瓢壓餅簋成球剖
出洞庭秋

津門憶飽喫內黃侯國風情薑細糝菊花天氣酒新篛那
管有監州

津門憶鱗族鱠銀絲網罩水晶人樣子筐傾溫玉筆尖兒白
小味輸伊

津門憶仙卉傲殘冬舊譜有名呼雅蒜孤芳無子類慈蔥波
濺玉玲瓏

津門憶煞水西莊樓影動搖新綠水柳絲斜搭淡紅牆僧

語雜興七

津門憶小巷枕官河漆研板扉青悄悄烟皺瓦屋翠羅羅門
內麗人多

津門憶二月門風箏斑竹擘分蝴蝶翅彩繩高曳鳳皇翎徹
夜響棖棖

津門憶記在帶河門是處畫船繫錦纜誰家飛轎逐黃塵海
氣一天渾

津門憶風景似揚州老去樊川春夢破鬢絲零落不禁秋辜
負少年游

空青館詞藁

卷一

七

空青館詞彙卷二

任邱邊浴禮袖石

賀新涼

題陳侍御慶單悼亡

畫省彈蕉手有蛾眉朝衣捧著代聽清漏生小芙蓉江上住
盛鬢豐容娟秀稱才子金閨嘉耦底事曇華纔一現甚罡風
吹損靈和柳華嚴劫利那驟 粉郎一慟成消瘦玉鴉爨展
來遺挂碧紗牕牖留下斷腸花幾幅露葉風枝孱憊都化作
相思紅豆成佛生天無是處盼韋簫膠合來生又淚謾滴豸
袍透

齊天樂

題戚小蓉齋菜根圖

空青館詞彙

卷二

一

芳畦幾稜秋容淡嘉蔬綠縈籬背小摘含香微烹帶汁紫甲
紅丁相配輕鬆叩齒便不數江湖藕鮮菱脆鹽豉休加味含
風露自然美 知君託意高潔笑人間肉食一例堪鄙鯨鯨
封餘鱸鄉夢遠添奉北堂甘旨柴扉穩閉話老圃心情英雄
身世小立攜鉏豆棚斜照裏

疎影

畫芙蓉

萼紅一翦向楚江深處描出清怨弱不禁愁嬌欲含顰西風
壓幘吹晚涼波浸影渾無語暈半頰脂痕濃澹算汀洲無數
秋芳不似此花幽豔 長憶牽來木末含悽弔正則騷賦吟
徧霞外銀塘夢裏仙城香霧冥冥人遠年華遮莫傷遲暮尙

拒得青霜無限刺文鴛宛頸相偎映上畫屏雙扇

沁園春

答陸費芝卿

路指樊輿城郭依然重訪舊游笑半肩行李塵欺短劍一天
風雪冷偏重裘阮籍途窮張儀舌敝刺字消磨何處投旗亭
句儘雙鬢低唱難撥羈愁雲間小陸風流肯臥我元龍百
尺樓喜鐙前擊鉢箋分蜀郡花間洗竿酒進涼州僕病疎狂
君懷磊落語不驚人死不休生平事試交尋爰灌兒命融修

芳草

翦難分嬌煙凝翠望中盡是離愁暖風南浦外香蕪繇邈綠
過汀洲尋春更遠但粘天芳意悠悠試緩步裙腰六幅
空青館詞彙

卷二

二

帖溫柔 航游雕鞍錦埒王孫老未說歸休西園蝴蝶亂玉
人攜手地弓印應留韶華容易改悵紅心知爲誰抽暗悵惆
柳絲漸少莫去登樓

壺中天

煙深波渺悵海天斷夢飛向何處起拓烏篷然絳蠟一穗濃
吹香霧過歷驚寒歸漁唱暝不抵清陰苦鸞綃研損悲春自
拈新譜 已是聽水聽風淒涼百種更蕭蕭夜雨飄泊江湖
恁草草換得髻絲如許燕子簾櫳柳絲池館俊約成孤負回
腸九折暗潮嗚咽東去

齊天樂

春流碧玉微茫裏扁舟繫來疎柳梢帆圍香羅襟搵翠記得
臨歧攜手離腸暗逗分萬斛相思各天消受犀押簾空靚妝
還似別時否 丁沽弭棹重問紅芳歌吹遠樂事難又巷冷
銅駝箏聞金雁何限傷今感舊年華水溜只老去劉郎不禁
僂僂試問歡場夢中誰最久

木蘭花慢

天涯芳序早裁上己又清明正薄暖餘寒池臺黛淺樓觀烟
輕牽情柳絲萬軸織宮黃嬌靚護啼鶯翠楹連村貰酒玉簫
隔巷吹錫 消凝十里旗亭鳴弱鷁趁歸程念油壁車閑秋
千索散冷落香盟杯行莫辭到手只清愁破了又還生倦倚
空青館詞臺

卷二

三

東風小立醉魂怯聽瑤箏

西子妝慢

花韻霏紅茶煙攔翠寂歷綠陰庭宇枝頭小鳥帶酸啼問濃
春爲誰歸去東風斷後頓拋下天涯愁緒更撩人是鄰牆楊
柳亂吹晴絮 緘新恨鳳紙裁香題徧消魂語錦袍烏帽事
英游甚年華易成遲暮留鶯縮燕總難忘舊盟鷗鷺待何時
羅帳燈昏聽雨

雙雙燕

用史梅溪韻

杏梢粉墜糝一味春愁畫泥香冷烏衣舞舊怯伴曉鶯飛並
自別風簾露井便栖也何曾栖定幾回覓徧巢痕塵鎖茜紗

窗影 花徑苔紋綠潤忍忘了盧家玉容嬌俊海天寥阻微
雨織成新暝何處雕梁睡穩好盼到社前歸信省他十二朱
樓鎮日澹妝人凭

慶清朝慢

友人齋中見白芍藥花清麗可念惜
其行將落也有觸於懷爰綴此詞

瓊蕾無塵仙葩有韻生來秀骨玲瓏綃衣表潔一枝獨占珍
叢可惜素心難託嗟遲暮殿卻春風真孤負蛾眉色澹獺髓
香濃 倘使移栽畫省怕翻階靚影妬煞葦紅芳時過了凝
酥掃地全空狼藉玉盤新樣再無清賞似坡翁銀屏角年年
開謝知爲誰容

齊天樂

題楊伯夔刺史所集蠶紙詞

空青館詞稿

卷二

四

詞境韻事消磨久老成半彫風雨閣冷茶烟樓空葉畫誰招
蕓洲遺譜良工心苦把碎錦零紈拾來無數別有深情弁陽
佳製共千古 蠶眠字題綉紙香名拈獺祭粉暉新署花外
瓊簫尊前銀字不數西泠南渡玉臺親序是悱惻溫磨賞音
人語珍重琅函雉頭傳片羽

風蝶令

題華竹席鳳山得佩圖佩爲象牙所雕面刻宋
賈昌朝玉樓春詞一闕有子明小印週圍約五
寸有奇製作精妙蓋北宋故物流轉於南
渡後者竹席得於西湖鳳凰山下索賦

仙佩脂同滑香詞錦不如子明小印刻連珠不省何年拋擲

向西湖 玉馬朝周遠紅羊換劫餘六陵風雨冷青蕪誰記

舊京當日賈姑姑

賈姑姑事見東都
事畧昌朝本傳

王容賦對燕天寒

百字令 游永甯寺

綠陰多處喜華鬢法界房開青豆花外風飄疎磬語早有瞿
曇招手鬢蔓藤垂芳筠篠嫩鋪地苔茵厚石床小憩妙香吹
下晴晝 迎面一桁遙山曉來雨過展放修眉皺此地蒼寒
宜散髮撲去紅塵盈斗馴鴿飛還定爰眠熟雲氣涼吹袖諸
王金碧佳游彷彿靈鷲

洞仙歌

闌風薦爽攪半空疎雨點點聲聲灑窗戶看波涼簾押潤裊
琴絲縹暈閃一朵釵花微吐 離心澆欲碎如此深宵不省
淋浪甚時住天遠雁書沈數盡蓮籌比往日江湖淒苦纔夢
空青館詞橐 卷二 五

到天涯猛驚回憶紅燭歌樓舊會聽處

水龍吟

題金亞伯廉訪大江汎月圖

水天一色空濛大江日夜東流去鯨波不動鱗雲乍散兔華
新吐倒影凌虛冰輪浴彩練光搖霧看朱旗畫舸文星過處
聲伊軋聞柔艣 招手金焦對語倚篷窗錦袍口口濤崩雪
捲瓜洲鐙火秣陵煙樹對此茫茫料應祇憶瓊樓玉宇試攜
將鐵笛臨風三弄喚魚龍舞

摸魚子

又題辛夷花館圖

占先春緋桃穠李公門舊種無數耽幽別拓閒池館移種平
泉嘉樹苞乍吐正文杏飄香隔葉黃鸝語倚欄口口愛粉嫩

含毫脂温脫穎豔奪朝川塢
薇階靜彩筆濃沾仙露綠章

封事親署西京異卉傳新雉
繙取元亭遺賦臨澗戶看一品
官袍匝匝彤雲護清唵漫與算
不比年時杜陵野客開落怨

芳序

甘泉賦列新雉於林薄
師古注新雉卽辛夷也

齊天樂 贈鍾崧生

十年沾上春風夢樊川醉魂醒未錦瑟幽悰金荃妙筆肯被
微官羈縻相逢笑指恁吹老緇塵髻絲霜脆泥瓜重尋蓬萊
清淺舊游地 黔陽解裝隔歲詩瓢和藥裏輕擲流水瘴雨
飄黃蠻花織茜不洗騷人愁髓蕭寒滋味怕客榻孤眠綺懷
勾起自譜香詞碧窗銀燭底

空青館詞藁

卷二

六

前詞 訪遼后洗妝樓故址

薊門淺草殘陽路脂香粉痕猶賸倭髻盤鴉鬢鬆貼翠過雨
山鬟微整遺墟暗省記花簇瓊梳柳圍珠鏡一桁晶簾闌妝
低鞞綠雲影 千年玉容誰在御溝波寫怨曾照嬌靚述律
官荒觀音院圯鵲淚苔花紅凝繁華夢醒祇塔火宵熒戍煙
秋冷魚尾霞收月眉窺夕暝

木蘭花慢 贈陸費端卿

朱弦絢錦瑟彈古調與誰聽笑蕙帶荷衣緇塵未浣重話漂
零芳年夢中催換怕霜林鷓鴣怨秋鳴花外香詞銀字酒邊
法曲瑤笙 陸郎彩筆多情比屋締鷗盟愛芳草唵餘以梅花

賦就別樣幽清心憐故人騷屑渺江關愁損庾蘭成借爾衍
波箋紙曉寒同贈飛瓊

齊天樂

題謝信齋瓦當文拓本用楊伯夔刺史韻

茂陵烟蝕昆吾玉文鴛淚珠凝片薄埴裁雲圓規儷月小比
合歡團扇液池波暗悵玉葉清陽洗餘蒼蘚桑海千年椒風
吹老史游篆華棖杏梁高揭神君悲化去仙夢難懣秋冷
芝房霜彫桂榭值得劉郎腸斷西京路遠愛櫛櫛銀鱗百朋
新換古色摩挲魏臺銅雀伴

疎影

紅梅

苔枝半亞認春前雪後紅雨飄灑猩色屏深一信東風開到

空青館詞臺

卷二

七

夕陽庭榭藐姑天賦餐霞貌渾不記粉嬌香姹比石家金谷
珊瑚么鳳綠毛低挂記否唐宮韻事飛來脂暈小添倍姚
冶花譜圖成合吮丹毫皴上血羅裙袂還教移種元都去便
減了天桃聲價伴逋翁卯酒温餘隔座玉顏微赭

前調

蠟梅

孤山春淺傍疎籬六枳破臘開偏枝北枝南照影橫斜宮羅
薄縠誰翦檀心半坼嬌無語費幾日夕陽薰染似靚妝塗額
人歸悄立嫩寒庭院別有天然丰致黃絕入道久縞袂初
換誤認春前江路垂垂綴樹蠶脾如蠶盈盈金屋安排好莫
輕被朔風吹卷祇月明夢醒羅浮惆悵寄書人遠

金明池 本意

城柳啼鴉汀沙宿雁鳳艚龍旗何處想當日雕青惡少草草
把河山付與儘生平志在燕雲便募取十萬黃頭禁旅看鐵
甲呼風金笳激浪池面魚龍爭怒 世上英雄本無主恁好
个家居有人偷據陳橋變將軍袍換韓通死忠魂血污算古
來青史茫茫只寡婦孤兒興亡難數賸碧鬢煙昏荒灣月白
依舊寒波東去

蝶戀花

倦柳風梳顛顛影慘綠霜蕪堤背行來永渺渺銀塘波十頃
帶人一片江南景 舵尾漁翁眠未醒曉露疎星涼綴絲竿
空青館詞臺 卷二
頂昨夜商聲搖不定亂荷殘雨鷗心冷

八

賣花聲

對月

皎月挂晶丸桂影誰看畫羅衣薄倚闌干不信瓊樓高迥地
有此荒寒 仙夢散迷漫笛韻悲酸人天小謫總無端收取
閒愁千萬斛交與離鸞

清平樂

五張六角往事思量著翠燭一星風刮落記在那家簾箔
曉鴉啼散行雲怱怱羅袂輕分難忘碧紗幮底夜深手拍秋
蚊

金縷曲

漂泊何時了。恁年年、衣霑塵土，髮摧蓬葆。栗劍依人成底事，羞煞青袍似草。算百計還家最好。學圃學農都不慣，笑還家依舊愁難掃。空打出閑居稿。西風消息蟬知道。咽軒庭琴絲一縷。碧牕秋曉。檻外疎桐飛似翦。一夜秋聲聽飽。都併入愁人懷抱。莫上高樓頻望遠。斷魂天涼雁歸飛。渺離別恨倩誰表。

八聲甘州 答金改之

灑東風別淚溼征衫。北遊挂煙帆。似靈均初放楚，唳騷屑愁滿江潭。一路沙虛月冷，風水換郵籤。對訴飄零感。檣燕呢喃。說與依人滋味，便侯鯖飽喫，難療清饑。且籌花鬪酒，翠管空青館詞臺。

卷二

九

高陽臺

粉萼飄瓊碧。簫吹玉故鄉。回首天涯千里。英遊片帆鷗外春。沙孤尊醉倚。悲歧路。悔虛名。輕誤才華。謾憑高滿。眼秋陰滿耳邊筇。征鴻過盡書難寄。裊半襟涼思。樓月西斜。料得深閨寶釵剔。碎燈花百年幾許。團圓日甚。詞人偏愛離家暗消凝。霧閣雲窗窈窕紋紗。

絳都春

雁來紅

芳叢旖旎映畫檻。六曲平添秋意。落葉打窗昨夜。高齋西風

起羅帷燈暗聞清淚早涼雁一繩飛至曉來看取圍階翠帶
染成霞綺 絕似啼鶉弔月灑枝上點點淚痕新漬箏柱聲
中篩得空庭斜陽碎相思欲向天涯寄待摺做桃花箋紙配
他夢穗萸房豔妝休洗

瑤華

白秋海棠

苔垣翠疊栽徧秋芳讓此花幽潔金鈿寶粟算未抵玉骨亭
亭清絕蛾眉淡掃渾忘了胭脂勻頰抱素心一點誰知付與
病蛩淒蝶 珍叢移種瓊闈有萬斛相思閒共花說鉛華淨
洗珠露冷粉淚斑斑盈曉天寒袖薄問誰解柔腸千結怕新
霜點上冰綃瘦卻個人肌雪

空青館詞藁

卷二

十

摸魚子

秋蘋

憶春前采芳南澗蘭舟一棹容與水風淺掠江樓暝吹老翠
鈿無數波濺處恁經慣操藍翦綠疎疎雨秋心淒苦臙冷落
斜陽那回曾照五出白花吐 凭欄望葉葉零煙碎露斷腸
楚客凝口香名縱許珍珠換多恐美人遲暮牽遠緒算身世
漂流此恨和誰語柳詩慵賦但涼胃蓴絲瘦圍荷鏡愁對越
溪女

花犯

木芙蓉

夕波寒秋江遠涉逶迤撥蘭棹木蓮花好漸粉怨珠啼煙際
開早靚妝不逐霜華老紅深兼翠窈鎮寂寞玉容微醉霞裾

風暗嫋 年時對花結同心 冥冥踏紺霧 仙城雲杪歡夢短
嗟往事花應知道 憐嬌姹欲舉 又住空悵 望瑤姬芳訊渺 但
護取練塘深處 眠香雙鴨小

石州慢

初寒

薄暝搖窗涼吹暗 喧梧葉吹落瓦溝 霜色微明 陡覺寒生 羅
幕纔眠 又起厭聽 唧唧陰蟲 哀音啼徧 闌干角瘦 影一燈紅
伴愁人 蕭索 芳約麝囊粉褪 鸞靶香駢 不成拋卻 傷別傷
秋 此恨年年 經著瓊篝籠未 料得似水鴛衾 夜深好夢 頻擔
閣顛 頓怯 添衣漸 纖腰如削

齊天樂

塔鈴

空青館詞臺

卷二

十一

空心悟徹 西來意 年年舌存無恙 寶柱凌虛 金繩絢彩 搖曳
四禪天上 輕圓簸蕩 正雲斂瓊觚 霧晴珠網 夕照紅邊 一聲
聲自答清響 祇林夜深 人悄風絲 飄替戾到耳 偏爽花護
唐宮雨淋 蜀道無此梵音 淒亮檐牙 月朗伴幾杵 疎鐘做成
惆悵 塵夢驚回 佛燈殘穗 晃

前調 瓶笙

雪窗殘夢 初回處 清音送來 嬌婉竹竈 煙飄花盜 水沸活火
一籌紅煖 銀簧乍展 裊空際 遊絲連環 不斷禪榻 惜惜夜深
誰與奏鴉管 松風颯然 欲作訝雲和曲 譜宮徵 移換似訴
如啼 將調又住 吹徹小樓 幽怨仙經 靜檢記 酒渴香消 舊曾

聽慣倚枕呼僮試湯斟蟹眼

百字令

秋晚友人招飲夜半始歸獨坐成此舉似改之

年華似水問能消幾許天涯芳事草草逢君同失路敝到貂裘如此斷柳枯蟬寒花病蝶愁滿斜陽底舊遊回首僧樓寺閒倚縱使鸞扇招香蝶裙圍玉難遣尊前意醉擊珊瑚吟古調怨入湘娥山鬼秋老關河夜涼風雨飛夢空迢遞青鞵辦就甚時商略歸計

點絳脣

題畫

鷗雨空濛茫茫遠樹青如薺畫船斜艤漁笛風吹起潮落潮生不管人閒事烏篷底楚天新霽夢與秋無際

空青館詞藁

卷二

三

洞仙歌

六首

吳中小部有佳人絕代秋水芙蓉出塵壺喜芳名九畹譜入騷經渾不比空谷尋常蕭艾蛾眉矜淡掃宮樣妝梳妬煞脣朱與腰綵小立試輕軀步上香茵儼飛燕受風情態悵底處惹人劇消魂是翠玉簾前猛迴嬌睇

蘭閨麗質惹春情挑逗遲日尋芳後園走鎮牡丹謝了開到茶蘼早又是鶯老花殘時候巫雲飛入夢雌蝶雄蜂隨意梅邊締珍耦分散太怱怱一縷離魂便做到粉屣香倦算有日雲房續幽歡認畫裏真真可還依舊

參橫斗轉盼仙郎不至青豆房空鎮無俚正月痕涼沁瓊色

袈裟凝眄久十二畫欄頻倚 珥璫風動竹驀地檀來側注
橫波雜鶯喜一笑卸頭眠百種嬌嗔儘消向蕙花帷裏最惱
是雲階曉鐘鳴又半捲香衾把人催起

魚波滑笏載湖船三板最愛兜孃踏搖慣看綠蛇堆髻紺螺
飄裙掩映著血色詞梨新豔 喉珠拋噤噤脆煞吳音唱到
瓊窗五更轉廣座悄無言風水聲中墜一朵嬌雲天半縱喚
到無情木腸兒聽暮雨瀟瀟也應魂斷

尊前軟語問櫻桃年紀瓜字初分正嬌穉愛天然生就鎖骨
瓊瓏俚人處無限蘭情水意 調鸚揜小袖一握春纖芳澤
溫磨暗中遞隱謎故相嘲薄怒佯嗔燈影射頰渦紅膩任並
空青館詞臺

卷二

三

坐殷勤勸香醪便百罰深杯也拚嘗試
旗亭貰酒數狂朋俊侶金雁箏邊客三五只相如病渴減盡
風情驀勾起年少冶遊心緒 名花容易老分付東君露葉
煙苗好調護一盃合歡綾小像圖成儘熏徹水沈香炷待後
日重逢話相思認傅粉何郎舊時眉嫵

國香慢

效張玉田贈沈梅嬌體

空谷幽芳是鄉親蘇小同住錢塘春宵背燈初見縮髻塗妝
風裊留仙裙摺俚人處笑語生香羅帷悄同夢清淺銀灣不
隔紅牆 相逢重話舊甚花顛玉額減盡容光墜歡天遠提
起祇益淒涼惆悵樊川老去縷金衣孤負秋孃含情解瑤佩

幾點啼痕彈向斜陽

祝英臺近

舊知名新展靚情話共分割
蚪箭聲沈絳蠟燕殘候可憐媚
上眉心愁生笑靨還作意千攔
百就玉枕酥手一宵淺夢濃
香回環儘消受鴛錦猶溫無
奈別離驟惱人油壁車輕載
春歸去猛唱斷曉風楊柳

憶舊遊

歲暮送改之赴衡水

正珍叢款蝶穉柳呼鶯遊賞
青春風雪年華暮甚乍成芳會
先引離尊錦香背花偷擲無
夢戀行雲賸一點柔情酒波
搖蕩隨上雕輪臨分寫深怨
對金屑檀槽暗惱輕輦試縮
鴛

空青館詞臺

卷二

西

鴛結怕豔歌十索添倍消魂
玉樓馬嘶人遠誰與拂征塵
但密約重來枇杷樹底同叩
門

齊天樂

細梅催轉東風信天涯錦箋
傳到鶴嬾飛遲鷗寒別苦回首
巖城霜曉唵鞭獨裊算作計
輸君賦歸不早朔雪征途飄
零共惜鬢絲老他鄉樂事最
少況尊前振觸俊遊懷抱搓
絮池臺笑桃門巷空憶翠鈿
嬌小燒燈近了寫花市香詞
譜成愁稟攜手何時待將離
恨掃

翠樓吟

倦客心情中年氣味花叢漸
嬾回顧春風門巷小記桃臉
初

相逢處橫波偷注正燭燄飄香爐熏吹霧添嬌癯瘦瓊依約
鞦韆羅微步念汝粉色天然儘畫樓獨占翠蔦紅嫵昔遊重
數徧悔前日尋芳多誤琴心箏語蕩酒力三分詩愁千縷留
歡住隔簾端正玉蟾窺戶

百字令

自題聽雁聽風雨小照

朝來擘鏡歎華年似水平頭三十豈有文章驚海內歲歲他
鄉橐筆紅豆新詞金荃小令畫徧旗亭壁疎狂自笑虛名此
日非急最憶一雁飄然長安索米寒透雙飛翼身世輸贏
棋換劫難保髻絲如漆風雨刁騷關河牢落今夕知何夕故
山歸好草堂貲問誰給

空青館詞彙

卷二

五

齊天樂

碧梧池館驚秋早深秋異鄉孤旅燈炮簾空香消簟冷窗外
西風吹雨哀箏幾柱有涼雁濛濛裂雲飛度滿地江湖平沙
一曲向誰譜年來此聲聽慣恁離心攪碎別樣淒楚紅燭
歌樓青衫酒暈夢裏舊遊何處更籌暗數惹多少天涯對牀
情緒繫足書輕寄愁交迅羽

瓊瓏四犯 題前圖

桐鄉沈濤 苑翁

凍月墮簷清霜窺鏡年華堪歎如羽昏鐙搖暗壁短夢欺
孤旅歐陽賦情謾與正相逢舊愁來處碎滴更闌亂喧天
半都伴瘦吟苦西秦怨深遲暮悵江空歲晚如此羈縈

絕憐青兕客總被荒雞誤幽并躍馬頻年慣渾忘了煙波
柔艣憑聽取啼螿又聲聲似語

摸魚子

同上

英山金 泰改之

只疏疏不多水墨居然秋意如許一繩涼雁飛無定響偏
一天風雨聽得否偏有箇悲秋人在消魂處年年聽取那
怪得青衫者般蕉萃絲髻半霜縷 淒迷甚夢裏深閨砧
杵夜寒吹上窗戶層陰眼底關河隔還憶金臺倦旅離思
苦問何不傳書商畧同歸去人生幾度得小住家山對牀
燒燭遣此歲華暮

洞仙歌

題改之詞後

空青館詞藁

卷二

六

江東詞客愛揚州煙月花底怱怱悔輕別算溥淹過了又渡
柔乾愁寂應蕙帶荷衣衝雪 復翁仙去後減字偷聲一瓣
心香向誰蕪翦燭話飄零俊語消魂怕提起舊家時節祇夢
裏曉寒賦初成比夜雨梧桐一般淒絕

滿庭芳

槽鳳翻飛箏鸞艷舞粉塵吹滿雕梁綠么弄罷鬧掃理新妝
隔座瓊瑜紅煖屏風小護玉籠香流連慣深杯到手忘卻在
他鄉 歡場容易散春隨影逝夢比雲涼賸十斛閑愁口滿
柔腸有日維揚重到更誰識杜牧疎狂虬波滴燭花微地鉛
淚膩銅黃

聲聲慢

冰簪斂艷霧髻凝妝湘波潤浥春嬌楚楚瓊姿載來酒舫歌
棹風塵託根未穩抱香心名冠離騷問誰解把金鈴護取紫
蒂細苗回首吳宮草暗悵舊山何處空谷迢遙眉黛輕顰
分明怨意難消尊前謾悲身世怕經秋玉悴花憔悴試延□倩
瑤徽彈破寂寥

一枝春

淡芭菰

異品分來□筠筒尙帶鯨洋雲氣芬馥漱嚙擣麝熏薇難比
香消酒渴愛吸徧易京滋味看鼻端噓出雙煙裊趁繡簾風
細相思舊名空記悵情絲恨縷漸成灰矣尊前泥勸怎忘
空青館詞豪

卷二

七

玉人纖指紅潮登頰數風韻檳榔同醉且支拄雁塞冰霜錦
囊穩繫

前調

同作

桐鄉沈

濤鮑翁

種上別羣芳泛星槎海外龍耕誰喚瓊絲細切噓吸最便
平筠管朱櫻小破乍中酒欲醒還倦看化作幾縷巫雲裊
向曲屏山半温磨惱人腸斷只相思名字慣縈心篆香
銷畫永莫道客愁難浣儂偏無分笑空負玉纖頻勸論風
味舌本回甘未輸茗椀

風蝶令

促坐眉通語微醺臉上潮下簾自把鳳笙調生怕仙雲一朵

見風消 小巷春泥滑重城夜漏迤懽期無準又今宵惆悵
踏花歸去馬蹄驕

戀繡衾

紅樓西角月乍生照愁人孤倚繡屏待展卻香衾臥奈新寒
欺夢不成 銀塘波凍芙蓉老畫簾低風響曲瓊正無說相
思處隔鄰牆誰弄玉箏

蝶戀花

題潘星齋鸚鵡簾櫳圖卷

宛轉鰕鬚垂繡戶花影搖春春影搖香霧大好靈禽栖託處
神仙眷屬中間住 豈爲籠寒晨自訴碧草西風夢繞芳洲
路誰在瓊牕教絮語瓊閨鏤雪詞新譜

空青館詞藁

卷二

六

空青館詞藁卷三

任邱邊浴禮袖石

長亭怨慢

送陸費端卿之蘇州

纔吟徧鳳城秋色慘袂塵沙又催離別夕照金臺西風高柳
爲君折玉簫聲咽留不住雕鞍錦勒馬首梅開正驛路霜濃
時節淒切對孤尊酒熱倚醉更歌新闕茸裘臥雪忍拋下
故人蕭瑟拚今宵夢逐征輪好看吳門煙月待寄慰相思
莫惜瑤箋千疊

八聲甘州

夏日游蓮亭荷花之盛過於往日計予不到此間已三年矣撫今追昔醉歌此調呈匏翁

繞虹梁欹棹溯空明芳會憶年時自詞仙去後花零粉怨鷺

空青館詞藁

卷三

一

老秋絲難得觀蓮佳節選勝酒重攜卅六陂塘遠波濺胭脂
坐有歐蘇賢守對風裳水珮勸酌瓊卮問紅妝無語應笑
我來遲暗惆悵佳人天末采幽香誰與寄相思新愁滿譜江
南弄唱過邪溪

賀新涼

得湯子厚書賦此奉答

滿紙淒涼恨是良朋三千里外傳來芳訊落珮倒冠歸故里
病骨峻嶒殊甚詎料得鴻妻先殞烽火連天江水黑痛怱怱
淺土薶孤櫬牛衣破帽同殉安仁淚向寒宵搵暗消魂文
成歎逝血痕酸沁我爲君言宜作遠看取高堂霜髻莫謾把
吟軀愁損哀樂中年腸易斷遣悲懷試效亡何飲榮枯事等

朝菌

齊天樂

不多征路千餘里年年往來都慣野飯霜衣城笳埃火數盡
郵籤長短東風送暖漸草長雲昏絮飛波軟倦旅倏然淒涼
大似北歸雁垂楊舊曾繫馬嫩黃搖曳處離思消暗紫曲
分花青簾過酒夢裏愁深歡淺鄉園日斷賸撲帽塵香玉鞭
低韜雨洗疎蕪翠陸斜照遠

摸魚子

答改之

賦閑情釵微釧逐墨痕香濺紈素鳳城小聚還分散抖擻半
襟塵土鞭裊處趁翠溼歸輪一角西山雨旗亭醉舞甚大好
空青館詞臺

卷三

二

他鄉萸觴佳會天意不輕許瓊筵側鎮日移宮換羽豔詞
偏嬌芳緒萍蹤漂轉成秋蒂淒絕燕來鴻去留夢住最難忘
碧紗玫瑰燭聯床語花晨酒暮待手採連蜷因風寄贈招隱慰
孤旅

公前調

英山金泰改之

近城南連雲甲第歌鐘聲沸天半玉堂人比梅花冷門巷
蕭然塵遠青髻短算奉母閒居不爲朝簪戀文窗靜掩但
妙墨題裙新詞擲篋兄弟共酬勸鷗盟舊幾度過從未
厭夜談樺燭留翦麗譙一角斜陽暝無奈吟鞭催返游已
倦自閉置車帷豪氣頻年減日歸歲晚待花市探春酒鑪

捉醉俊約甚時踐

風入松

相逢不改舊疎狂笑語生香華燈紅照相思字是年時彩筆
題牆縹緲行雲楚岫輕盈飛燕昭陽珠喉一弄韻飄揚綠
酒親量玉容半醉嬌無力恨人處竟體芬芳說道今宵休去
小樓殘月昏黃

高陽臺

豔影驚鴻香絲裊麝十分春滿窗紗道罷勝常嬌鸚隔座呼
茶尊前低說韶年紀正盈盈碧玉分瓜惹消魂帶雨嫣然一
樹梨花胭脂巷窄重來訪悵金鋪鎖合粉墜枇杷眉月空
空青館詞臺

卷三

三

彎照人何處天涯相思海樣量難盡賸夜深孤嚼紅霞帶閒
愁雨井煙垣飛絮天斜

三姝媚

絳雲樓石印

青琅玕一寸是曾經焚餘劫灰殘燼鐵綫銀鉤裏綠綈千弓
尤泥香沁紅豆花前自什襲團窠鴛錦鏤雪鐫雲押倩薜蘿
玉纖脂暈零落南朝金粉嘆縹帙煙飛畫樓難問柳老章
臺甚連環珠篆不隨同殉著手摩挲謾展觸滄桑幽恨配取
河東妝鏡清光未豐

摸魚子

擁花驄蘭塘梅約垂鞭閑覓芳豔珠燈半燄扶殘醉吟袖夜

深同縮街鼓紉還戀著碧紗玫燭歌塵暗瓊卮恨淺任笛底
箏邊酒痕醜靨紺翠一矜染 嬉春會幾度雲搖雨散玳梁
巢燕都換明漪帖帖風鬢鞞似否玉嬌香軟愁目斷望千里
滄波秋與人俱遠疏麻寫怨想冶習游情也應寥落抱影閉
空館

前調 題潘順之西湖送春卷子

問年年送春歸去春歸知在何處絮塵吹滿江南岸片片落
紅無主縈綺緒甚一夜東風蕩起愁千縷湘絃慢鼓臙癢水
空煙鉛華淨洗冷漲半湖雨 銀樓角粉鳩含悽低訴傷春
人倚朱戶兩堤芳草茸茸碧多少瘞香荃土鶯燕誤算怎不
空青館詞彙 卷三 四

賜譜

祝英臺近 題鄭州店壁

卸蒲帆停桂檝行李一車載帽影鞭絲紅樹夕陽外到來帘
字飄揚三家店小喜濁酒半壺先買 解裝再往事十七年
前光陰水流快去燕來鴻詞客髣顏改劇憐堊壁重新呼燈
覓徧己無復舊題詩在

踏莎行

香霧籠嬌錦霞圍艷翠羅屏角初相見紫蘭芽小不禁風當
時猶被春拘管 夢短愁長情深歡淺俊游回首空腸斷江

南江北枉相思綠陰青子年華晚

高陽臺

送改之出都

刻燭邀紅呼樽欵翠酒痕濃染鷓鴣裘牽惹閑情浮雲西北高樓舊時金縷當筵唱怪朝來忽帶新愁暗消魂匹馬輕裝別路殘秋西風不管分離苦攪空林亂葉吹滿宮溝如此關山可憐孤負清遊對牀聽雨前期在賦河梁休怨漂流譜妍詞彩翰香凝題徧庚郵

前調

英山金泰改之

落葉飛霜哀鴻唳月薊門寒到征裘書劍漂零天涯重賦登樓六街車走如雷響問紅塵何處埋愁最無聊一樣西

空青館詞彙

卷三

五

風獨自悲秋高城畫角吹清曉又鞭絲帽影催渡盧溝長短亭邊垂楊還拂人頭年華幾許供憔悴早芳心分付東流那禁他曳雪牽雲細話前遊

鵲橋仙

顧二孃手製硯

犀紋抱月龍香滴露出匣滑難留手愛他柔膩紫雲身曾挨近鳳翹丹味蘭閨巧製文房雅玩往事流傳人口傾城名士盡蒼涼贖鵲眼盈盈依舊

臨江仙

梅萼開時郎馬去相思直到而今碧雲千里雁書沈淚淹宮錦字香減畫羅襟鴉鴉隔花啼不住年光轉眼驚心玉釵

墮後嬾重尋紫蘭香徑外秋草沒鞦深

瑤華

茉莉帳

琉璃質軟新招瑤英綴象牀璀璨勻穿巧絡垂麗殿不數辟
塵綃幔月痕涼浸似挂起蛟房珠串稱小憐玉體橫陳襲衣
花氣難辨夜深睡蝶膏騰任暗麝濃熏無此芳豔隙風吹
過鉛粉墮四角流蘇飄顛青輦素屬祇無那夢同人遠且消
受散雪團雲妬煞芙蓉香暖

綠意

芭蕉簾

冰紋葉葉傍闌干卍字織手親折淨拭蛛絲展代龍鬚芳痕
一片重疊桃笙蘄竹渾拋卻愛貼體香茵清絕配亭亭帳痕
空青館詞臺

卷三

六

青奴冷抱半牀秋色憶否空階夜寂雨聲暗滴瀝欹枕聽
徹清不沾塵涼欲成煙消盡幾多炎熱夢雲縹緲歸何處認
尺五綠天幽潔揭犀帷捲付雙鬟掩映翠羅裙

銷寒四詠

繡停鍼

補裘

檢舊繡訝手拂金箱峭寒如水百衲蒙茸彈落暗塵付與玉
纖重理斷絲零毳是客路冰霜磨碎試抽獨繭香絨夜窗背
鏡縫起征衣待遠寄歎線腳鍼頭淚痕濃漬紫鳳天吳顛
倒坼紋謾共翠雲爭麗濁醪休貰算軟美未輸驪子麝篝熏
透篆煙更燒心字

前調 同作

桐鄉沈 壽 鮑翁

理繡篋甚翠袖籠時忍寒裁翦一腋千金零落舊痕唾碧
淚紅都滿長卿游倦問記否鸚鵡曾典謾嫌百結蒙茸幾
回壓殘金綫 顰眉攘皓腕歎巧奪天工未消塵黓恨縷
情絲纖指密縫肯付酒家輕換夜闌鐙黯共話到牛衣淒
怨紫霜無分尙餘敝貂相煖

瑣寒窗 糊窗

梵宇鐫紅冰紋界茜舊穿羅洞鮮焱刮隙生怯曉來寒重砑
雲藍四圍貼平畫櫺不放鬆些兒縫任橫斜黏著半盃瓊液玉
蔥高捧 方空銀光湧稱竹屋愔愔護人幽夢蛛塵掃盡梅
空青館詞臺 卷三 七
影亞枝浮動鎖金猊温香一絲夜深翦燭誰與共更安排雲
母瓊瓏照見霜華凍

前調 同作

桐鄉沈 壽 鮑翁

月碎篩櫺風尖射隙嫩寒初逗圖殘七影 元戴未良有合
破窗七影圖
倩補蘿纖手裂冰油千條萬條熨來生怕桃花皺臘年時
一點紅絨爛嚼唾痕依舊 雲母玲瓏透恁乍乞瓊漿便
揜羅袖迷金醉紙不遺網蟲來又隔疏寮心香暗通那人
半面窺許不露春蔥悄拓蟬紗只待梅開後

玉漏遲 圍鑪

蠡窗奉繡幔辟邪蹲近鏤金牀畔促膝團圓笑語畫屏春滿

臥褥芙蓉密繞簇活火一椀紅煖攘皓腕試香溫酒霎時傳
徧撥灰分付嬌鬟莫彩袖低垂玉梅偷撚擁對牙籠鳳餅
幾愁重揀試招曉寒詞譜任簾外朔風如翦人意懶薑芽夜
深齊斂

前調

同作

桐鄉沈濤

鮑翁

晚妝殘未卸金猊乍燼玉蟲初熄獸燄頻添煙裊博山如
畫滿座釵痕髻影儘圍繞曲屏低亞飄暗麝有人偷近越
羅裙衩幾番撥盡陰何更謎語闌傳酒波鯨瀉月姊窺
窗似照箇儂情話猶記劃灰斜倚悄彈徧淚珠盈靶芳恨
惹霜寒又侵簾罅

空青館詞彙

卷三

八

石州慢

炙硯

鈿匣慵開瑤玦罷研鴝眼凝碧連朝雪意風威凍折米家山
脊金星黯黹自籠七寶香篝隔灰烘活松花色春透旋渦痕
似池波新滌 回憶琳腴墜缺青鐵磨穿歲華虛擲煖到冰
心賸喜石交如昔蘭閨寫韻省他檀口微呵瓠犀自齧魏臺
筆待淺畫蛾眉點端溪雲液

前調

同作

桐鄉沈濤

鮑翁

倦倚銀篝慵炙鳳笙簾映霜月琉璃小匣開時凍破一稜
蕉葉薑芽乍斂自撥寶獸餘溫冰心盡化春雲熱趁取墨
痕融譜新詞鏤雪 消得疏香閣裏玉鏡臺前素纖親熱

淚雨烘乾更熨半眉愁
纈初陽送爍淨拭斐几無塵簪花
閒試時時帖牘幾點殘灰共金星明滅

臺城路

題戴蘭卿曉風殘月圖卷

大隄垂柳蕭疏甚娟娟碧絲猶裊傍岸維舟移篷就樹淒瑟
津亭秋曉酸風乍攪作水樣新寒頓欺烏帽煙影微茫墮林
殘月一梳皎長條幾回欲折露蟬聲斷續都帶商調中酒
心情懷人滋味銷牘離魂多少迴腸暗惱算游徧江湖不如
歸好底事勾留歲華空自老

前調

同作

英山金

泰改之

可憐時節銷魂景天涯酒醒人起月不分明風偏料峭畫

空青館詞彙

卷三

九

出關河秋意垂楊影裏盪一寸離心萬重煙水折盡長條
挂愁牽夢尙如此年時繡簾倚處絮雲吹點點春滿衣
袂擁樹山低橫空雁遠回首妝樓千里船屑舵尾共翹鷺
拳寒瘦蟾凝睇爲問歸程布颿何日理

長亭怨慢

甲辰初入翰林改之亦於秋早入都應京兆
試置酒話舊並讀近作諸詞填此調奉贈

記攜手好春剛半雨屋深燈對牀分翦碧樹驚秋黃金臺下
又相見杏衫香澣禁禁幾度京塵染促席引清尊試與較別愁
深淺淒黯理鸞牋象管翠譜織成騷怨鶯憐蝶眷悵回首
繡叢天遠算此日身到蓬山早絲髻江湖吟減牘脆竹哀絲
分付當筵腸斷

霜葉飛 題勞介甫霜林覓句圖

詩情繚繞秋深處伊誰蠟屐尋到冷楓紅舞滿空山片片霜
花飽襯石徑苔痕翠老斷霞零落無人掃聽寸碧遙岑被一
夜西風吹下素籟多少 知有逸客飄然指筇背錦獨自行
入幽窈清吟字字作商聲譜出伊涼調又棖觸鄉愁浩渺酒
船鷗夢吳江道倩畫圖爲傳將千里歸心澹煙斜照

鵲橋仙

前年話別去年話別都是早秋時候今年又到早秋時只無
那別離長久 珠啼錦怨花憔悴困聞說玉容消瘦此生拚
道不相逢怎昨夜夢中攜手

空青館詞臺

卷三

十

河傳

擁被無睡燭花欹漏鼓三更盡時玉爐暗香飄一絲淒淒病
蟲牕外啼 十載江湖游已倦春夢短蘭訊秋來遠畫羅襟
酒痕深傷心墜歡何處尋

高陽臺

友人以畫蘭摺扇索題戲作

露眼緘愁煙鬢裊媚翠裙展向春陽葉葉花花分明相對相
當紅心半坼櫻桃小謾疑他舊院眉娘斷吟魂一握冰紈吹
上柔香 有人甘殉情芽死忍題完珠字寶作琳琅繡幕艾
蓉夢雲幾度攜將湘臯豔譜翻來慣證芳因熾盡疎狂獵清
風玉骨琅玕隨意招涼

百字令 題張石州仿竹垞老人歸耕圖卷

昂藏七尺是杜陵狂客扶風豪士十載金臺常賃廡落拓游蹤難已雨笠煙蓑瓜疇芋町生計唯耽此荷鋤歸好故山禾怕生耳收拾莎犢欄深茅龍屋古小築臨澗水得喪浮雲紛過眼莫問江湖朝市汜勝之書岌然子策粗了平生事英雄末路達觀宜作如是

江城子 咏鰕

鯉魚風急海門秋
橫菱舟翦寒流
篔簹筐輕撈出稻花稠
絕妙水晶人樣子
偏愛著碧綃頭
夕陽紅上水邊樓
酒新篲小勾留
一笑登盤巧配內黃侯
任爾鬚頰張似戟
難洗盡折空青館詞橐

卷三

十一

腰羞

前調

去年元夕笑相逢
搭春蔥
勸金鍾
鳳尾槽新聲迸
小簾櫳
蠟樹鐙球
渾不夜都忘卻漏
丁東
今年元夕舊情空
捲西風
夢匆匆
欲譜香詞無那寸心慵
屋角緗梅飄半萼
還錯認舞衣紅

百字令 秋晚客中效側帽詞體

愁絲一縷
裊將來不斷
把人纏縛
況是他鄉雲水
夜秋雨秋風
蕭索被冷鴛文燈殘
鳳脰往事思量
著病蛩無力
悒悒啼近簾箔
遙識翠闔
新寒晚妝卸
罷獨下歲蕤
鑰鑰肺疾深時

眠不慣有夢也成擔擱玉子楸枰銀箋象筆怎敵情懷惡浮
名何物賺人隨地飄泊

摸魚兒

蕙

抹蘆洲柔波滑笏湘烟一罨低繞圓沙溶漾瑤釵影青徧五
湖三柳春漸老挂尺許龜髯斜映晶奩皎芳莖翠裊愛枯豉
堆紅鮮鱸飮碧嫩共菜根齏功名事海水浮沈難料江湖
俊味真好天涯回首秋風起誰買季鷹歸棹空懊惱讓漁弟
漁兄匕箸年年飽清饒怎療待菊釀筍成菰香煮熟點筆注
葵茆

風入松 題潘子慎感舊詞後

空青館詞臺

卷三

七

暖風遲日踏青蕪立馬叩銅鋪粉墻低處桃花笑顫嬌煙一
樹瓊酥宛轉翠簾丁字盈盈十五當爐夢雲歡劫散糝糊
絲淚滴紅珠錦苔繡了埋香地盼重泉消息都無怕見棠梨
暮雨年年寒食啼烏

前調

英山金泰改之

小紅樓角月黃昏曾記夢遊春掌中悔不留仙住御風歸
空皺湘裙惆悵斑駁重過蘼蕪綠滿秋墳畫圖何處喚
真真往事總休論碧桃幾度花開落掩淒涼舊日朱門騰
向茶煙影裏一絲銷盡吟魂

唐多令 蓮亭晚坐

翠露卷煙汀柔波翦綠萍趁花花葉葉亭亭一捻斷霞嬌不
散漸紅上鷺絲翎 照影惜娉婷鷗寒夢未成悵銅盤鉛泪
岑星髻鬢昨宵疎雨滴潛倚著畫欄聽

前調

英山金泰改之

鷗雨濕苔磯魚霞蘸碧漪轉清商蘋末輕颺葉葉花香
不已盡吹上酒人衣 畫檻壓波低微涼裊髻絲暮蟬聲
柳外催歸最好水天閒話處人去早月來遲

前調

題金纖纖女史瘦吟樓硯拓本

翠墨洗煙螺雲腴膩粉渦蕩愁痕一掬湘波惆悵瘦吟人去
遠誰著手與摩挲 片石未消磨華年瞥眼過甚春來依舊
空青館詞橐

卷三

三

寒多儘把沈香熏小像祇無計熨雙蛾

蘇幕遮

英山金泰改之

夜吟香朝寫韻一片琳腴脂粉痕猶凝可惜曇花偏易隕
石上三生但現春風影 玉臺空珠字贖自比雙文秀句
親題贈滴得蟾蜍清淚盡新月樓頭還鬪妝眉靚

鷓鴣天

半靨星痕帖額黃繡蓉方領薄絲裳尋常懶著閒脂粉一種
風流淺澹妝 斟玉笋弄銀簧人前側立費形相翠簾下了
移紅燭說道今宵分外涼

前調

英山金泰改之

勝業坊前見淨持，冶妝猶畫入時眉。含情強倚東風笑，塵
暗當年舊舞衣。金鏤管，玉交卮。詞人爭賦小楊枝。除他
一片秋江月，曾照芙蓉泣露時。

霓裳中序第一 歌席卽事

銅荷蠟淚滴，照見新詞題畫壁。錦字真珠密織，記酒瀉翠尊
花飈。瑤席蘭蕤蕙質，蕩冶情無數。箏笛都忘卻，茸裘繡鈿歲
暮，遠爲客。幽抑俊游，重憶共繫馬朱樓綺陌。芳韶轉眼過
隙，漸訊渺湘紅夢斷。楚碧豔歌閒趁，拍牘怨粉。淒金凝積，暗
惆悵，一眉霜月兩地伴岑寂。

前調

英山金泰改之

空青館詞彙

卷三

十四

寒鐙穗半結，蓮漏丁丁空水咽。深夜酒波重熱，聽一串歌
珠梁塵飛雪。繁音擊節繞畫簷，風颭雲葉。何人在粉牆花
底，長笛定偷壓。淒絕歡游，輕別念舊事，尊前愁說。垂楊
曾繫金勒，傍十里紅橋，二分明月。玉簫聲易歇，牘譜就斷
腸。新闕悲涼，意狂吟未怕，醉擊唾壺缺。

八聲甘州

藝翁太守招同人小集清暉書院倚聲奉酬

罨晴蕪秀色，隱孤亭、綠楊弄春妍。倚屏山六曲，開簾過酒人。
坐瓊筵，不比張燈飛蓋，清夜宴西園。橋外東風膩，新綠濺淺，
隔水呼鷗一笑。任吟湘賦楚，幽恨都鐫寫。盈盈芳思分付，
薛濤箋託微波重。申後約，擁綃衣霞珮，汎觥船。爭知我看花

心事漸近中年

前調

桐鄉沈 濤 匏翁

看涓涓野水繞荒灣香滿白蘋洲
任東風吹皺鴨頭淺漲
雁齒平浮聽取提壺頻喚好共破清愁
爲問隄邊柳青眼
舒不絕似阻風中酒又江湖舊夢狎到沙渥歎黃塵烏

帽何地着扁舟盪春魂數聲柔櫓念家山
莫漫賦登樓闌
紅約待扶殘醉卅六陂秋

余近已補種荷花

水龍吟 擬宋人詠英華詞並步其韻

聞風瑤島清都仙蹤縹緲疑非是鸞裾鳳帶瓊織寶珠豔魂
飛墜湘管輕拈半窗蘭韻一簾松吹擅非煙才調無雙容貌
空青館詞藁

卷三

五

爭怪得人心醉 沐泗柔波千里暈檀痕靚妝初洗神光浴
浦行雲巫峽此情空寄後會茫茫塵封薌澤淚凝鉛水臙丹
崖畫閣生綃澹墨寫眉山翠

高陽臺

題伏城驛店壁記己亥歲同湯子厚計偕北上宿於此店子厚被酒大醉夜雨不止往事已十

有六年矣子厚南歸病歿墳有宿草感念存歿愴然予懷因成此調

倦柳鴉棲重雲雁度驛亭煙樹迴環渺渺征程舊愁吹上眉
鬢風塵不恨年華促恨故人埋骨青山賦招魂楚些淒涼楓
淚紅殷 當時倚醉疎狂甚儘箏鴻啼雨輒徧湘絃耳熱悲
歌劍霜寒嘯尊前如虹豪氣今安在鎮消磨明鏡蒼顏謾驚
聽翠玉簾空簷溜瓏潺

浣溪紗

罨畫樓臺夕照斜
瓊窗塵黯杏紋紗
斷金零粉綴些些
芳徑碧苔誰著屐
小橋稚柳又飛花
東風悽惻送韶華
六曲迴廊響玉弓
昔年此地見驚鴻
春魂消盡畫樓東
填海有心銜木石
涉江無路采芙蓉
片雲留恨滿巫峯

點絳脣

小雨初收煙郊傍
曉秋容淨野花紅
凝點綴青蕪徑
馬首涼蟬一路供
愁聽西風勁
弄晴搖暝幾樹垂楊影

瑞鶴仙

題黃韵珊明府詞後

玉簫聲慢倚寫阻風中
酒江湖滋味天涯莽
迢遞恁閑情都空
青館詞臺

卷三

六

付衍波箋紙華年似水
禁幾度吹花嚼蘂
鎮無慘傷別傷春
誤了浩歌沈醉
留滯皖公山色
滕閣煙霞助吟多
麗京塵染袂
樊川鬢漸絲矣
儘檀痕細招流珠
一串譜入愁羅恨綺
看淡妝舞上猩輪
繡簾隙底

清平樂

題新羅山人畫

嫩篁幾節濕翠苔
花鬢尺五風枝
扳欲折
偷眼梢頭紅葉
蛾眉澹掃雙痕
風流京兆前身
記聽雕籠巧語
日長深院無人

前調

杏青梅小韶景無多少
榆莢漫天飛不了
心事落花知道

煙痕輕注迴塘一雙蝴蝶俵俵斜日空簾獨倚春愁没个商量

前調

霜前雁後搔徧天涯首烏帽青袍人似舊籬畔黃花開又
羅帷低護初寒小樓眉月愁看一霎風吹落葉秋聲先到欄
杆

前調

題潘紱庭秋水芙蓉畫冊

明霞古渡照影花如語千種相思無著處朵朵翠嚙紅妬
往時錦悵凝香而今遠道迴腸勾起半江幽恨夜深風露淒
涼

空青館詞彙

卷三

七

菩薩蠻 三首

綠陰如幄圍階砌蝶衣涼晒紗窗底春去漸多時夜臺人未
知相思心欲折玉骨成冰雪容貌見應難恨無通替棺
梨花寒食斜陽路百年一樣歸黃土同穴最關情著鞭先讓
卿髣髴都雪了此恨誰知道搵淚對禪扉遠山顰翠眉
紙錢風起灰如雪乳鴉向客啼嗚咽稚子復何知時來牽我
衣迴車還卻顧夢斷心離阻魚目夜長開幽魂何自來

蝶戀花 二首

慘澹斜陽紅古寺窄徑苔紋綠徧傷心地委蛻一棺呼不起
眼中泉路分明是草草今生緣盡矣虛說他生依舊成連

理九十春光如水逝碧桃花落餘空蒂

鏡檻妝奩塵漠漠浮世光陰一霎全拋卻月不長圓花易落
墜歡如夢成耽擱絮語傷心悲命薄道不思量偏又思量
者斷送芳魂歸夜壑天台詎有長生藥

滿江紅

杳杳幽魂禁爾許夜臺風露痛此日廡旌柳妻得埋淡土鶴
蛻嶮阮彤玉骨蝶裙灰滅餘金縷儘春風緣隙到空牀人何
處莊岳擊悲難訴潘髻減詩空賦漫馳情千里夢尋墟墓
萬事終歸螻蟻穴百年虛結鴛鴦侶算不堪惆悵數生平成
孤負

空青館詞藁

卷三

六

青玉案

秋懷效烏絲詞體四首

紙窗橫壘誰剗破寒意迸些兒箇慘月當樓眉影墮千堆紅
葉數枝黃菊飽受霜風剗狂來欲把離騷和寶劍光寒虹
繞座醉擲深杯磅礴埋憂無地點金無術屈煞平生我
奇鷹颯爽排雲起碧眼溜秋空紫豪氣稜稜都讓爾林中鴉
鳩草頭狐兔一霎空如洗昏鐙挂壁繡青史往日英雄今
賸幾長憶高歌醉燕市屠腸矐目漆身刎頸箇是真男子
蓬山千仞瓊臺陡風雨暗魚龍吼萬樹琪花金翠糝淩華拊
石雙成擘管笑酌麻姑酒而今難挹浮邱袖碧海青天莽
回首種種顛毛霜染透臨風試問舊時仙侶同此淒涼否

荒墳近接秋原渺，龜趺裂，龍碑倒，燐火低飛如豆。小苔錢暈碧土，花鋪繡，滿地紅心草。西風蒼莽，愁難掃，歲月無情，雙過鳥。惟有北邙山不老，芻靈夜舞，髑髏晝語，添了新華表。

踏莎行

雨斷虹，霧烟迷，鴉背榭林路轉前溪。水戍樓高處，一絲風暗。中刮得秋心碎，倦旅情懷長途滋味。玉鞭垂手，渾如醉夢汀菱泮。太荒涼，臨流忍製鴛鴦詠。

空青館詞藁

卷三

十九

空青館詞藁卷三



